

靈寶發奏科儀

靈寶功德發奏科儀

大道洞玄虛

有念無不啟

煉質登仙真

遂成金剛體

超度三界難

地獄五苦解

悉歸太上經  
靜念稽首禮

伏以

象念五壇神咒

乾坤之內凡塵浩炁於妖氛  
人物之中異類恐生其穢濁  
凡欲迎真請聖先當淨洒壇  
場爐焚百和茗香密咒且五  
龍神水夫水者浩浩蕩蕩渺  
渺茫茫回枯返潤行溢山川

魚龍因之變化江海得之汪  
洋上善若水靈源且長使何  
氛而不滅俾何穢而弗亡一  
滴微洒六神自降順之者有  
長生之理逆之者獲滔天之  
殃運念精誠上達穹蒼今有  
靈寶淨天地說中山解穢神  
咒仰憑道衆謹當諷誦

天地自然<sup>云</sup>收魔攝穢天尊

伏以

凡陳齋席先焚寶香祥煙發  
散於九天瑞氣漂流於三界  
將露禱祈之懇特伸薦獻之  
儀神變化多方精誠必應以  
今焚香告召  
法院神將吏兵

上部召魂張使者

中部召魂侯使者

下部攝魄魏使者

神虎何喬二大將軍

追攝司官 一行官吏

年月日時四直功曹

土壑正神

伏此真香普同供養

蓋聞

上壺無上三清居二炁之先  
真中有神玉帝統萬天之主  
宰乘真仙之九品瑤穹旁列  
於清都日月星之三光琳瑯  
皆歸於黃道悠悠而紫霄露  
邈蕩蕩而碧漢雲深非驂鸞  
駕鶴以難登非走霧行雲而

莫測洎乎人間地上三山五  
嶽之仙家海內水中三島十  
洲之靈府至於九壘九泉之  
陰魄居六宮六洞之聖神五  
方五德之深淵列宿萬司之  
主宰由是上極圓羅之尊聖  
下及幽穰之靈祇皆司造化  
之權盡握福祥之柄欲陳齋



告荷啟來臨切聞三界有傳  
奏之司四直有分神之主既  
陳列於座筵謹脩齋而奉請  
法院神將降臨壇所

四值功曹降臨壇所

三界符使降臨壇所

三部召魂使者降臨壇所

當處土地正神降臨壇所

道香一炷

十方肅靜

法鼓三通

萬真咸集

杳杳冥冥

天地同生

散則成炁

聚則成形

聞吾呼召

有感通靈

以今再告

法院神將吏兵

上部召魂張使者

中部召魂侯使者

下部攝魄魏使者

土地里域正神

汝等

聞呼速來聞召即至奉法無

差去來有準同運善功助吾

法力既已到壇依序仙階分

列坐位請齋主無任上香清

貢茶酒當初獻

洞案爐炁起

散花林

無爲道德香

滿齋筵 滿道場

上界符使供養

伏以

形而上者爲道妙莫能名聖  
不可知爲神禮尊敬享既領  
行持之職將騰啟告之誠望  
真悃以開張仙凡有間乘颺

馭而陟降上下無方謹運一

心用陳再獻

聖境千歲酒

敬花林

仙荅四時開

滿齋筵

滿道場

伏以

觀天地覆萬物道寔爲尊潤  
風雨鼓雷霆神無不在赫矣  
仙科之著大哉顯化之靈我  
有緘封將吏省覽煩爲傳奏

庶副懇祈用罄一忱敬陳三  
獻請齋主三貢茶酒當三獻  
淨侶吟仙曲 散花林  
人人讚善哉 滿齋筵 滿道場

下界符使供僊 再告  
功曹符使此間土地里域正  
神汝等既受齋主三獻酒已  
畢立吾案前聽吾囑付吾聞

修善建功不容寢滅投誠達  
悃即有司存是以師寶垂慈  
帝真開化昭著自然之格齋  
筵拔度之科凡有關騰必先

敷告

入意

投誠壇下乞爲關行今備請  
狀文字一宗在壇是故召集  
汝等下臨壇所受金供儼然

後飛雲掣電馭炁乘空變現  
無從遊行自在十方三界運  
一念以潛通萬聖千真啟他  
心而洞鑒是仗神威之力仰  
祈啟告之誠所冀三寶玉皇  
降九光於咫尺瓊輪羽蓋命  
八景於須臾凡天地水之職  
司應日月星之主宰上極太



虛之寥廓下窮無底之深淵  
久成道之高真初登真之上  
士驚鳴鳳唱霧集雲臻來降  
道場証盟修奉壇司具有關

文謹當附宣

關牒帖

功白

上來關文已具敷宣官軍將

吏各宜遵奉吾奉

上帝勅令掌握印章專施號

令之權令出森嚴迅速若風  
雷之急不得稽延星火奉行

步虛勅水白

天雷車轉車轉

龍虎交并

日月羅列

照我分明

承差官將不得久停速去速

來吾在壇前望汝報應吾奉

康

太上老君急急如律令勅奉送

三界直符使

雲馭駕虛空

暫隔人天遠

須臾奏上穹

三寶金闕下

傳言奏善功

衆真來赴會

事畢還瑤宮

化金紙

神光受命云

飛雲捧奏仙官以時大道不

可思議禮畢

向來是時外壇申發表文回

壇齋事

上祈慈尊下拔亡魂托化仙  
鄉同賴善功証無上道一切  
信禮

發奏科終